



**Uunga siunnersuut: Tapersiissutitalimmik inissialiortiternermut taarsigassarsititsisarneq pillugu  
Inatsisartut inatsisaat nr. xx, xx. xxx 2019-imeersoq.**

(Ineqarnermut Attaveqaqatigiinnermullu Naalakkersuisoq)

(Siullermeerneqarnera)

Siunnersuut manna immikkoortoq 140-mut sammisamik kommuuninut ingerlatitseqqinnermik imaqartoq ataatsimiinnermilu siusinnerusukkut sammisimasatsinnut atassuteqarpoq.

Demokraatit tamanna pissusissamisoortutut isigaat, aaliangiisarnerit innuttaasunut ataasiakkaanut qaninnerulissammata.

Siunnersuut manna allaffissornermut tunngassuteqarneruvoq tapersiissutitalimmik inissialiortiternermut inatsit naapertorlugu taarsigassarsiat ingerlareersut aqunneqarnerinut akilersorneqarnerinullu inatsisitigut pisaqariaqarluinnartumik sinaakkusiisussaavoq. Siunnersuuteqarnerup kingunerisaanik Naalakkersuisut inissianik, tapersiissutitalimmik inissialiortiternermut inatsisit atuuttuusimasut naapertorlugit taarsigassarsiviusimasunik sananermut, pisinermut, iluarsaassinermut, alliliinermut pitsanngorsaaneremulluunniit tapiissuteqarsinnaajunnaassapput nutaanilluunniit taarsigassarsititsisinnaajunnaassallutik. Allannguutit tapersersukkavut sammisap kommuuninut tunniunneqarneratigut tunngaveqarput.

Saniatigullu ajunngitsumik isigisatsit paasivarput allannguut manna pisortat aningaasaqarnerinut annertuumik kinguneqartussatut naatsorsuutigineqanngimmat.

Taamatut oqaaseqarluta siunnersuut Sanaartornermut ataatsimiititaliamut innersuupparput.